

摘藻堂四庫全書薈要

經部

欽定四庫全書薈要

經部

左傳注疏卷四十六

七

詳校官原任侍講臣王燕緒



欽定四庫全書薈要卷一千一百六十二

經部

春秋左傳注疏卷四十六

昭公十三年

晉杜氏注 唐陸德明音義 孔穎達疏

經才有三年春叔弓帥師圍費注不書南蒯以費叛不

廟音義

費音秘

疏

注正義曰定八年傳云陽虎入于  
謹陽關以叛注云叛不書畧家臣

則此亦為畧家臣故不告廟也以  
不告廟故史不得書二注互相備

夏四月楚公子比自晉歸于楚弑其君虔于乾谿注比

去晉而不送書歸者依陳蔡以入言陳蔡猶列國也比

歸而靈王死故書弑其君靈王無道而弑稱臣比非首  
謀而反書弑比雖脅立猶以罪加也靈王死在五月又  
不在乾谿楚人生失靈王故本其始禍以赴之音義

苦谿

兮疏

注正義曰傳稱依陳蔡人以國許復其國而藉其力故書為歸言是陳蔡納之釋例曰韓魏有耦國

之彊陳蔡有復國之端故晉趙鞅楚公子比皆稱歸從諸侯納之例言非晉楚之所能制是其義也討靈王無道於國其弑不應稱臣又比為觀從所誑迫脅而立非是弑君首謀而反書比弑君者比歸而王死故書比弑其君比雖被脅而立靈王為比而死雖非比弑猶以弑君之罪加比哀六年注云楚比却立陳乞流涕子家憚老皆疑於免罪故春秋明而書之以為弑主釋例曰若鄭之歸生齊之陳乞楚公子比雖本無其心春秋之義

亦同大罪是以君子慎所以立也其意以為弑君之惡惡之大者雖則本無其心君實由之而死若舍而不責則下無所忌故書其名成其罪所以示來世勵後人為教之遠防也靈王見弑實由無道但欲見比罪故稱臣名非言靈王為有道猶宣二年晉趙盾弑其君夷臯釋例曰傳言靈公不君又以明於例此弑宜稱君也弑非趙盾而經不變文者以示良史之意深責執政之臣彼為章盾之罪稱臣名此亦為章比之罪稱臣名非言靈王不合弑稱君也又傳稱五月王縊于芋尹申亥氏他年申亥以王柩告則靈王死在五月其死又不在乾谿而經書四月比弑其君虔于乾谿者楚人生失靈王告時未知死否但以乾谿之地失王以為王必死矣本其始禍故以四月弑君赴也劉炫云比以四月歸既歸而王死故以云云同

楚公子棄疾殺公子比注比雖為君而未列於諸侯故

不稱爵殺不稱人罪棄疾疏

注正義曰釋例曰諸侯不受先君之命而篡立得與

諸侯會者則以成君書之齊商人蔡侯般之屬是也若未得接於諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬是也諸侯篡立雖以會諸侯為正此列國之制也至於國內策名委質即君臣之分已定故諸殺不稱君亦與成君同義也傳曰會平州以定公位又云若有罪則君列諸會矣此以會為斷也衛州吁齊無知皆弑君自立其死稱人以殺此比亦弑君而立不稱人以殺而云棄疾殺者棄疾利比之位而殺之其意不得為討賊不稱人所以罪棄疾也釋例云比既得國國人驚亂棄疾從而扇之比懼自殺皆棄疾之由故書公子棄疾殺公子比是言不稱弑其君又說罪棄疾之意也

秋公會劉子晉侯齊侯宋公衛侯鄭伯曹伯莒子邾子

滕子薛伯杞伯小邾子于平丘注平丘在陳留長垣縣

西南音義

垣音袁

八月甲戌同盟于平丘注書同齊服故

公不與盟注魯不堪晉求讒慝弘多公不與盟非國惡

故不諱音義

與音預注同慝他得反

疏

注正義曰宣七年公會晉侯云云于黑壤傳曰晉侯

之立也公不朝焉又不使大夫聘晉人止公于會盟于黃父公不與盟以賂免故黑壤之盟不書諱之也彼公不與盟諱而不書此書之者彼不相朝聘公實有罪諱國之惡故不書其盟此時公實無罪非是國惡故書而不諱襄三十一年傳曰晉公室卑政在侈家韓宣子為政不能圖諸侯魯不堪晉求讒慝弘多是以有平丘之會此年傳云邾人莒人愬于晉曰魯朝夕伐我幾亡矣注云自昭公即位邾魯同好又不朝夕伐莒無故怨愬

晉人信之所謂讒慝弘多是言晉人執季孫意如以受讒言公無罪非國惡故不諱也

歸公至自會注無傳

蔡侯廬歸于蔡音義

廬音盧又力居反

陳侯吳歸于陳注陳蔡

皆受封于楚故稱爵諸侯納之曰歸疏

注正義曰公羊傳曰此皆滅國

也其言歸何不與諸侯專封也其意言諸侯不得專封不與楚封陳蔡使若陳蔡之君自有國而歸之然以是故稱爵言歸若言各自有爵非由楚也杜以傳言平王封陳蔡又二君之歸再言禮也則興滅繼絕是為得禮無有不與楚封之事也二者皆是舊國立君紹其先祀襲其封爵爵是先世之爵非楚今始立之故言陳蔡皆受封于楚已立為侯故稱爵以歸國非入國始為君也禮諸侯不生名二君皆書名者稱爵以其受封于楚書



名以其未成為君稱名稱爵兩見之也諸侯納之曰歸成十八年傳例

冬十月葬蔡靈公注蔡復而後以君禮葬之

公如晉至河乃復注晉人辭公

吳滅州來注州來楚邑用大師焉曰滅疏

注正義曰州來楚邑不繫

楚者大都以名通者例皆不繫國用大師焉曰滅襄十三年傳例

傳十三年春叔弓圍費弗克敗焉注為費人所敗不

書諱之平子怒令見費人執之以為囚俘治區夫曰

非也注區夫魯大夫音義

俘芳夫反治音也區正鳥侯反一音丘于反疏義

曰非三代服叛之道也

若見費人寒者衣之饑者食之為之令

主而共其乏困費來如歸南氏亡矣民將叛之誰與居邑若憚之以威懼之以怒民疾而叛為之聚也疏

正義曰季氏既執費人人皆憎疾季氏而叛之為南氏之積聚也

若諸侯皆然費人

無歸不親南氏將焉入矣平子從之費人叛南氏注

費叛南氏在明年傳善區夫之謀終言其效音義

於衣

既反食音嗣共音恭憚待旦反為之聚也于偽反焉於虔反效戶孝反

○楚子之為令

尹也殺大司馬遂掩而取其室注在襄三十年音義

遂于委反  
掩於檢反

及即位奪遂居田注居掩之族言遂氏所

以怨遷許而質許圍注遷許在九年圍許大夫音義

質音致

蔡洧有寵於王王之滅蔡也其父死焉注楚滅

蔡在十一年洧仕楚其父在國故死音義

洧于軌反

王使

與於守而行注使洧守國王行至乾谿音義

與音預守手又

反

申之會越大夫戮焉注申會在四年疏

正義曰王肅云越大

夫常壽過也申之會經書淮夷而不書越者以常壽過有罪不得列會故不書越也戮者陳其罪惡以狗諸軍言將殺之終亦不殺過至今在楚故怨而作亂王奪鬬韋龜中驪注韋龜

令尹子文玄孫中犢邑名音義

犢尺州反

又奪成然邑而

使為郊尹注成然韋龜子郊尹治郊竟大夫音義

竟音

境

蔓成然故事蔡公注蔡公棄疾也故猶舊也韋龜

以棄疾有當璧之命故使成然事之音義

蔓音萬

故遠

氏之族及遠居許圍蔡洧蔓成然皆王所不禮也因

羣喪職之族啓越大夫常壽過作亂注常壽過申會

所戮者音義

喪息浪反過古禾反

疏

正義曰言族者以掩既被殺唯有族存故言族也韋

龜成然皆被奪邑所以不數韋龜而獨數成然者以是時韋龜已死故不言之上言奪邑者積王之惡見

成然怨恨之深由父子被奪故也易稱善不積不足以成名惡不積不足以滅身小人以小善為無益而弗為以小惡為無傷而弗去也故惡積而不可掩罪大而不可解至於滅身也

**圍固城克息**

**舟城而居之注**息舟楚邑城之堅固者

**疏**正義曰圍固城城之

固者克息舟息舟即是其邑也以圍時有所毀故更城而居之

**觀起之死也其子從**

**在蔡事朝吳注**觀起死在襄二十二年朝吳故蔡大

夫聲子之子**音義**

從如字**疏**

注正義曰言故蔡大夫朝如字者此時蔡滅見為楚縣

吳今在蔡其父先為蔡國大夫故云故蔡大夫聲子之子也

**曰今不封蔡蔡不封**

**矣我請試之注**觀從以父死怨楚故欲試作亂以蔡

公之命召子干子皙注二子皆靈王弟元年子干奔

晉子皙奔鄭音義

晉星  
歷反

及郊而告之情注告以蔡公

不知謀強與之盟入襲蔡蔡公將食見之而逃注不

知其故驚起辟之音義

強其  
大反

疏

正義曰二子聞非蔡  
公之命欲還故觀從

強與之盟  
遂入襲蔡

觀從使子干食坎用牲加書而速行注使

子干居蔡公之牀食蔡公之食並偽與蔡公盟之徵

驗以示衆已徇於蔡注已觀從也音義

已音紀  
似俊反

徇曰

蔡公召二子將納之與之盟而遣之矣將師而從之

注詐言蔡公將以師助二子蔡人聚將執之注執觀  
從辭曰失賊成軍而殺余何益乃釋之注賊謂子干  
子皙也言蔡公已成軍殺已不解罪朝吳曰二三子  
若能死亡則如違之以待所濟注言若能為靈王死  
亡則可違蔡公之命以待成敗如何音義為于偽反若求  
安定則如與之以濟所欲注言與蔡公則可得安定  
且違上何適而可注言不可違上也上謂蔡公衆曰  
與之乃奉蔡公召二子而盟于鄧注潁州名陵縣西

南有鄧城二子子干子皙依陳蔡人以國注國陳蔡

而依之疏

正義曰二子更無兵衆唯依倚陳蔡人耳以國者許為復其國以此招慰之

楚

公子比注子干公子黑肱注子皙音義

肱古弘反

公子棄

疾注蔡公蔓成然蔡朝吳帥陳蔡不羹許葉之師因

四族之徒注四族遠氏許圍蔡洧蔓成然音義

羹音郎葉

始涉反

以入楚及郊陳蔡欲為名故請為武軍注欲築

壘壁以示後人為復讐之名音義

壘力軌反壁本亦作辟音壁

蔡

公知之曰欲速且役病矣請藩而已乃藩為軍注藩



籬也音義

藩方元反注同離也依字應作籬今作離假借也力知反

疏

正義曰蔡公知之知

陳蔡人之情也蔡公楚之公子猶尚吝惜本國恥有報讐之名築壘以示後世故請藩而已

蔡公

使湏務牟與史狎先入因正僕人殺太子祿及公子

罷敵注湏務牟史狎楚大夫蔡公之黨也正僕太子

之近官音義

年亡侯反狎皮佳反徐扶蟹反又扶移反或扶瞻反本或作籊音同罷音皮徐

甫綺反一音蒲買反

疏

正義曰正僕人即太僕也周禮下大夫二人

公子比為王公

子黑肱為令尹次于魚陂注竟陵縣城西北有甘魚

陂音義

陂彼宜反

公子棄疾為司馬先除王宮使觀從從

師于乾谿而遂告之注從乾谿之師告使叛靈王且

曰先歸復所後者劓注劓截鼻音義劓魚器反師及

訾梁而潰注靈王還至訾梁而衆散音義訾子斯反

內反王聞羣公子之死也自投于車下曰人之愛其子

也亦如余乎侍者曰甚焉小人老而無子知擠于溝

壑矣注擠隊也音義擠子細反說文云排也一音王

曰余殺人子多矣能無及此乎右尹子革曰請待于

郊以聽國人注聽國人之所與王曰衆怒不可犯也

曰若入於大都而乞師於諸侯王曰皆叛矣曰若亡  
於諸侯以聽大國之圖君也王曰大福不再祇取辱  
焉然丹乃歸于楚注然丹子革棄王而歸楚音義

音祇

支王泓夏將欲入鄢注夏漢別名順流為泓順漢水

南至鄢音義

泓以全反夏戶雅反漢水也鄢徐  
於建反一音於晚反入本又作至

芋尹

無字之子申亥曰吾父再奸王命注謂斷王旌執人

於章華宮音義

芋于付反徐又音羽  
奸音干斷丁管反

王弗誅惠孰大

焉君不可忍惠不可棄吾其從王乃求王遇諸棘闈

以歸注棘里名闡門也音義

棘闡音韋孔晁云棘楚邑闡巷門

疏

注正

義曰吳語云昔楚靈王不君其臣箴諫不入其民不忍饑勞之殃三軍叛王於乾谿王獨行屏營彷徨於山林之中三日乃見其涓人疇王呼之曰余不食三日矣疇趨而進王枕其股以寢於地王寐疇枕王以塊而去之王覺而無見也乃匍匐將入於棘闡棘闡不納乃入芋尹申亥氏焉孔晁曰棘楚邑闡門也案襄二十六年傳言吳伐楚克棘四年夏五月癸亥王傳言吳伐楚入棘以棘為邑或是也

縊于芋尹申亥氏注癸亥五月二十六日皆在乙卯

丙辰後傳終言之經書四月誤音義

縊之疏注正義疏反曰此癸

亥之日實在乙卯丙辰之後傳先言之者因申亥求王遂言王縊是傳終言之也既以五月統癸亥之日

而乙卯丙辰亦是五月之日雖則言有顛倒即令蒙此五月之文也劉炫云杜此注經書四月誤案上經注云靈王實以五月死楚人生失靈王本其始禍以赴兩注不同以為杜非今知不然者以其生失靈王不知死在五月遂以四月始禍言靈王之死是其錯誤之事於文似異義實一也劉以為二文異而規杜氏非也

申亥以其二女殉而葬之觀從謂子干曰音義

殉似俊反謂子干本或作謂子干曰不殺棄疾雖得國猶受禍也子干

曰余不忍也子玉曰人將忍子注子玉觀從吾不忍

俟也乃行國每夜駭曰王入矣注相恐以靈王也音

義

駭戶楷反恐丘勇反下同

乙卯夜棄疾使周走而呼曰王至矣

注周徧也乙卯十八日音義

呼好故反下同徧音遍

國人大驚

使蔓成然走告子干子皙曰王至矣國人殺君司馬

將來矣注司馬謂棄疾也言司馬見殺以恐子干君

若早自圖也可以無辱衆怒如水火焉不可為謀又

有呼而走至者曰衆至矣二子皆自殺注不書弑君

位未定也音義

弑申志反

丙辰棄疾即位名曰熊居葬子

干于訾實訾教注不成君無號謚者楚皆謂之教音

義熊

音

疏

注正義曰邾教與此訾教皆不成君無號謚也元年傳云葬王于邾謂之邾教此云

葬子干于訾實訾教並以地名冠教未知其故又世家楚之先君有若敖霄敖皆在位多年亦稱為教不知教是何義殺囚衣之王服而流諸漢乃取而葬之以靖

國人使子旗為令尹注子旗蔓成然音義

衣於既反旗音其

楚師還自徐注前年圍徐之師疏

正義曰上云師及訾梁而潰此又云

楚師還自徐者上所云者是乾谿援師此謂蕩侯等五子伐徐師故杜云前年圍徐之師

吳人敗

諸豫章獲其五帥注定二年楚人伐吳師于豫章吳

人見舟于豫章而潛師于巢以軍楚師於豫章又栢

舉之役吳人舍舟于淮汭而自豫章與楚夾漢此皆

當在江北淮水南蓋後徙在江南豫章音義

五帥所類反謂

蕩侯潘子司馬督翼尹午陵尹喜五人見賢遍反汭如說反

平王封陳蔡復遷邑

注復九年所遷邑疏

注正義曰成十五年許遷于葉九年傳云遷城父人於陳遷方

城外人於許今復遷邑則許還復葉方城外與城父人各復其本

致羣賂注始舉事

時所貸賂音義

賂音路

施舍寬民宥罪舉職注舉職脩

廢官音義

宥音又

召觀從王曰唯爾所欲注觀從教子

干殺棄疾今召用之明在君為君之義音義

為于偽反對

曰臣之先佐開卜乃使為卜尹注佐卜人開龜兆使



枝如子躬聘于鄭且致犂櫟之田注犂櫟本鄭邑楚

中取之平王新立故還以賂鄭音義櫟力直反事畢弗致

注知鄭自說服不復須賂故音義說音悅復扶又反下將復使同鄭

人請曰聞諸道路將命寡君以犂櫟敢請命對曰臣

未聞命既復王問犂櫟降服而對注降服如今解冠

也謝違命曰臣過失命未之致也疏正義曰言臣罪過漏失君命遺

忘之未之致與也王執其手曰子毋勤姑歸不穀有事其告

子也注王善其有權有事將復使之音義毋音無疏正義

曰言子母以見使為勤勞

他年芋尹申亥以王柅告乃改葬之初

靈王卜曰余尚得天下注尚庶幾音義

柅其久反

疏

正義曰謂

得為天子也

不吉投龜詒天而呼曰是區區者而不余畀

注區區小天下音義

詒本又作詢呼豆反徐許后反呼火故反畀必利反徐甫至反

與也余必自取之民患王之無厭也故從亂如歸初共

王無冢適注冢大也音義

厭於鹽反共音恭適丁歷反下無適音同

有寵

子五人無適立焉乃大有事于羣望注羣望星辰山

川疏

正義曰楚語云天子徧祀羣神諸侯祀天地三辰及其土之山川孔晁云三辰日月星也祀

天地謂二王後也非二王後祭分野山川而已又元年傳云辰為商星參為晉星是諸侯得祭分野之星知此羣望是星辰山川也於十二次鶉尾為楚當祀翼軫之星及其國內山川哀六年傳曰江漢睢漳楚之望也其山蓋荆山衡山之類而祈曰請神擇於五人者使主社稷

乃徧以璧見於羣望曰當璧而拜者神所立也誰敢

違之既乃與巴姬密埋璧於大室之庭注巴姬共王

妾大室祖廟音義

徧音遍見賢遍反下注微見同巴必加反埋亡皆反大室音泰疏

正義曰謂以一璧徧見諸神若神各一璧乃多明無不當其上注正義曰知者襄十二年傳云楚司馬子庚聘于秦為夫人寧禮也使五人齊而長入拜注從秦女是夫人明巴姬是妾

長幼以次拜音義

齊側皆反本又作齊長丁丈反注及下同

康王跨之注

過其上也音義

跨苦化反

靈王肘加焉子干子皙皆遠之

平王弱抱而入再拜皆厭紐注微見璧紐以為審識

音義

肘中九反遠于萬反厭於甲反徐又於輒反紐女九反識申志反又如字

鬬韋龜屬

成然焉注知其將立故託其子音義

屬音燭

且曰棄禮

違命楚其危哉注棄立長之禮違當璧之命終致靈

王之亂子干歸韓宣子問於叔向曰子干其濟乎對

曰難宣子曰同惡相求如市賈焉何難注宣子謂棄

疾親恃子干共同好惡故言如市賈同利以相求音

義

賈音古好惡並如字又上呼報反下烏路反下皆倣此

對曰無與同好誰與

同惡注言棄疾本不與子干同好則亦不得同惡取

國有五難有寵而無人一也注寵須賢人而固有人

而無主二也注雖有賢人當須內主為應

音義應應對之

應有主而無謀三也注謀策謀也有謀而無民四也

注民衆有民而無德五也注四者既備當以德成子

干在晉十三年矣晉楚之從不聞達者可謂無人注

晉楚之士從子干游皆非達人族盡親叛可謂無主

注無親族在楚無釁而動可謂無謀注名子干時楚

未有大釁音義

釁許斬反

為霸終世可謂無民注終身霸

客在晉是無民亡無愛徵可謂無德注楚人無愛念

之者疏

正義曰子干之亡楚人無愛念之徵驗也

王虐而不忌注靈王暴

虐無所畏忌將自亡楚君子干涉五難以弑舊君誰

能濟之注言楚借君子干以弑靈王終無能成有楚

國者其棄疾乎君陳蔡城外屬焉注城方城也時穿

封成既死棄疾并領陳事苛慝不作盜賊伏隱私欲

不違注不以私欲違民事音義

苛音何本或作荷音同下同慝他得反

民無怨心先神命之注先神謂羣望疏

正義曰楚國既封即有三

望三望起於先代故曰先神

國民信之芊姓有亂必季實立楚之

常也獲神一也注當璧拜音義

芊彌爾反

有民二也注民

信之令德三也注無苛慝寵貴四也注貴妃子居常

五也注棄疾季有五利以去五難誰能害之子干之

官則右尹也數其貴寵則庶子也以神所命則又遠

之其貴亡矣注位不尊音義

去起呂反數所主反遠于萬反亡矣音無又如

字

其寵棄矣注父既沒故疏

正義曰亡無也其貴位則無矣其寵愛之者又

棄矣然則父死棄疾寵亦棄獨言子干者以子干母賤唯恃父寵寵又棄矣則無恃託故專屬子干民

無懷焉注非令德國無與焉注無內主將何以立宣

子曰齊桓晉文不亦是乎注皆庶賤對曰齊桓衛姬

之子也有寵於僖注衛姬齊僖公妾有鮑叔牙賓湏

無隰朋以為輔佐有莒衛以為外主注齊桓出奔莒

衛有舅氏之助有國高以為內主注國氏高氏齊上



卿疏注正義曰僖十二年傳管仲云有天子之二守國高在是也

從善如流注言

其疾也下善齊肅注齊嚴也肅敬也音義

下遐嫁反齊側皆反

注不藏賄注清也音義

賄乎罪反

不從欲注儉也音義

從子

用反施舍不倦注施舍猶言布恩德求善不厭是以有

國不亦宜乎我先君文公狐季姬之子也有寵於獻

好學而不貳注言篤志音義

厭於豔反好呼報反

生十七年有

士五人注狐偃趙衰顓頊魏武子司空季子五士從

出音義

衰初危反頊戶結反從才用反

有先大夫子餘子犯以為腹

心注子餘趙衰子犯狐偃有魏犇賈佗以為股肱注

魏犇魏武子也稱五人而說四士賈佗又不在本數

盖叔向所賢音義

佗徒何反

疏

注正義曰上言五人直舉其數下說四士獨據有賢

也五人內不數賈佗者佗以公族從文公不在五人之數也盖叔向言之意所將為賢即言之

有齊

宋秦楚以為外主注齊妻以女宋贈以馬楚王享之

秦伯納之音義

妻七計反

有樂卻狐先以為內主注謂樂

枝卻穀狐突先軫也音義

樂魯官反卻火逆反穀戶木反

亡十九年

守志彌篤惠懷棄民注惠公懷公不恤民也民從而

與之獻無異親民無異望注獻公之子九人唯文公

在天方相晉將何以代文此二君者異於子干共有

寵子國有與主注謂棄疾也音義

相息亮反下同共音恭與烏報反

疏

正義曰室內西南隅謂之奧奧是內之義與主國內之主故謂棄疾也

無施於民無

援於外去晉而不送歸楚而不逆何以冀國注傳言

子干所以蒙弑君之名棄疾所以得國音義

施式政反

○

晉成虎祁注在八年音義

虎音斯

諸侯朝而歸者皆有

貳心注賤其奢也為取鄭故注取鄭在十年音義

為子

偽反鄭  
亡杏反

晉將以諸侯來討叔向曰諸侯不可以不示

威注知晉德薄欲以威服之乃竝徵會告于吳秋晉

侯會吳子于良注下邳有良城縣音義

邳皮悲反

水道不

可吳子辭乃還注辭不會疏

正義曰吳地水行故謂水道不可謂水路不通

吳子既辭晉侯乃還向平丘之會

七月丙寅治兵于邾南甲車四千

乘注三十萬人音義

乘繩證反下及注皆同

羊舌鮒攝司馬注

鮒叔向弟也攝兼官也音義

鮒音附

遂合諸侯于平丘

子產子大叔相鄭伯以會子產以幄幕九張行注幄

幕軍旅之帳音義

幄於角反幕音莫四合象宮室曰幄在上曰幕

疏

正義曰周禮幕

人掌帷幕幄帟綬之事鄭玄云王出宮則有是事在旁曰帷在上曰幕皆以布為之四合象宮室曰幄王所居之帳也帟王在幕若幄中坐上承塵幄帟皆以繪為之凡四物者以綬連繫焉然則幕與幄異幕大而幄小幄在幕下張之幄幕九張蓋九幄九幕也

子大叔以四十既而悔之

每舍損焉及會亦如之注亦九張也傳言子產之適宜大叔之從善次于衛地叔鮒求貨於衛淫芻蕘者

注欲使衛患之而致貨音義

芻初俱反說文云割草也蕘如遙反飼牲曰芻

草薪疏

正義曰周禮充人掌繫祭祀之牲牷祀五帝曰蕘則繫于牢芻之三月說文云蕘薪也從艸然

則芻者飼牛馬之草也  
芻者共燃火之草也

衛人使屠伯饋叔向羹與一

簋錦注屠伯衛大夫音義

屠音徒饋其位  
反簋若協反

曰諸侯事

晉未敢攜貳况衛在君之字下注屋宇之下喻近也

而敢有異志芻芻者異於他日敢請之注請止之叔

向受羹反錦注受羹示不逆其意且非貨曰晉有羊

舌鮒者瀆貨無厭注瀆數也音義

瀆徒木反厭於  
鹽反數音朔

亦

將及矣注將及禍為此役也注役事也音義

為如字  
或于偽

反

疏

正義曰言叔鮒為  
此淫芻芻之事也

子若以君命賜之其已客從

之未退而禁之注禁芻蕘者晉人將尋盟齊人不可

注有貳心故晉侯使叔向告劉獻公注獻公王卿士

劉子曰抑齊人不盟若之何對曰盟以底信注底致

也音義

底音旨

君苟有信諸侯不貳何患焉告之以文

辭董之以武師雖齊不許君庸多矣注董督也庸功

也討之有辭故功多也疏

注正義曰釋詁云董督正也是董為督也又云庸勞

勞亦功也討之有辭則前敵易克故功多也

天子之老請帥王賦元戎十

乘以先啓行注天子大夫稱老元戎戎車在前者啓

開也行道也疏

正義曰上注云獻公王卿士此注云天子大夫稱老老者是大夫之總名

詩云方叔元老傳云方叔卿士命而為將是卿士稱老也曲禮云五官之長曰伯自稱於諸侯曰天子之老彼謂三公也如彼文則三公乃得稱天子之老卿亦得稱老者彼說三公之事言三公之自稱耳不言卿之自稱不得同三公也曲禮又云諸侯使人於諸侯使者曰寡君之老諸侯之使尚得稱老明知天子之卿得稱天子之老也詩小雅六月之篇也元大也戎戎車之在軍前者也啓開行道常訓耳

遲速唯君注欲佐晉討齊叔向告于齊曰諸侯求盟已在此矣今君弗利寡君以為請對曰諸侯討貳則有尋盟若皆用命何盟之尋注托用命以拒晉叔向



曰國家之敗有事而無業事則不經注業貢賦之業  
有業而無禮經則不序注須禮而有次序有禮而無  
威序則不共注禮須威嚴而後共有威而不昭共則  
不明注威須昭告神明而後信義著不明棄共百事  
不終所由傾覆也注信義不明則棄威不威棄禮無  
禮無經無經無業故百事不成音義覆芳服反是故明王  
之制使諸侯歲聘以志業注志識也歲聘以脩其職  
業間朝以講禮注三年而一朝正班爵之義率長幼

之序音義

間間廁之間  
長丁丈反

再朝而會以示威注六年而

一會以訓上下之則制財用之節再會而盟以顯昭

明注十二年而一盟所以昭信義也凡八聘四朝再

會王一巡守盟于方嶽之下音義

守手又反  
嶽音岳

志業於

好注聘也音義

好呼報反下  
注同好同

講禮於等注朝也示威

於衆注會也昭明於神注盟也自古以來未之或失

也存亡之道恒由是興晉禮主盟注依先王先公舊

禮主諸侯盟懼有不治奉承齊犧注齊盟之犧牲音

義治直吏反舊如  
字犧許宜反

而布諸君求終事也注終竟也君

曰余必廢之何齊之有唯君圖之寡君聞命矣疏

正義

曰叔向此言論聘朝會盟四事意在言盟并說會朝聘為次序耳國家之所以敗也有交好之事而無貢賦之業交好之事不得常矣有貢賦之常而無上下之禮事雖有常則不次序矣有上下之禮而無可畏之威雖有次序則不共敬矣有可畏之威而不昭告神明雖為共敬則不明著矣信義不明棄共敬也承事不共敬棄次序也班位不序棄常度也徵命不常棄事宜也事既棄矣則百事不終國家所由傾覆只為此也聖人知其不可是故明王之制使諸侯每歲令大夫一聘天子以志識貢賦之業間一歲諸侯親自入朝以講習上下之禮天子於諸侯再朝而一大會以示可畏之威再會而一為盟誓以顯諸侯之昭

明者也。志識貢賦之業在於交好，故使聘也。講習上下之禮在於等差，故使朝也。示可畏之威在於衆聚，故為會也。昭明德之信在於告神，故為盟也。自古以來，遵行此法，未之有失也。國家存亡之道，恒由是興為之，則存；廢之，則亡。存亡起於此也。今晉以先王之禮主諸侯之盟，懼諸侯之事有不治，禮者奉承齊盟所用之犧牲以來至此，而布諸齊君，求終竟盟約之事也。君言曰：「今余必廢之，何齊盟之有？」必如此語，唯君自圖謀之。寡君聞君之命矣，言晉知齊必背盟，即欲與之戰。注正義曰：「下句覆述此事云：『歲聘以志業。』」每年聘者，所以共貢賦耳。知此業者，是貢賦之業也。下又云：「志業於好說聘事，而謂之好，則好謂交好。」諸侯天子雖尊卑不同，亦是交好。然則有事者謂有交好之事，也不經者經訓常也。謂交好不常也。或聘不以時，或貢賦不克，是不常也。昭亦明也。昭為昭告神，祇明謂信義明著言會，雖示威威猶未著，必須昭告。

神明以要束其心而後天子信義始得明著於天下矣杜以信義不明威無可畏則是棄威也不畏威則禮不行是棄禮也無禮則無經無經則無業故百事所以不成劉炫以此傳四文皆緣上事而致下事其上則事業禮威所致則經序共明傳既言不明棄共自然當云不共棄序不序棄經不經棄事今杜云不明則棄威不威棄禮無禮無經無經無業以杜違背傳文而規杜失今知劉義非者杜以不明棄共不共棄序不序棄經不經棄事自是傳文分明但傳云百事不終明知非徒棄共棄序其威禮亦棄也杜與傳共為表裏非是違傳劉不解杜意妄為規過謬矣志是記識故為識也歲歲使於天子所以獻其貢賦令諸國各自記其職貢是脩其職業也間朝者據聘為言也既云歲聘因從聘歲為始更間一年乃朝故知間朝是三年而一朝也朝以正班爵之義率長幼之序與下注會以訓上下之則制財用之節皆莊二十

三年傳文也顯昭明三字皆為明也十二年而為一盟者大明黜陟之法諸侯之有明德者表顯升進之於此盟以光顯諸侯有昭明之德者告誓神明所以昭明王之信義以示黜陟必有信也計此十二年間凡八聘四朝再會一盟方嶽之下也尚書周官曰六年五服一朝又六年王乃時巡考制度于四岳諸侯各朝于方岳大明黜陟如彼文六年五服諸侯一朝王即此再朝而會是也此傳之文與尚書正合杜言巡守盟于方嶽間與彼義符同明此是周典之舊法也而周禮之文不載此法大行人云侯服歲壹見其貢祀物甸服二歲壹見其貢嬪物男服三歲壹見其貢器物采服四歲壹見其貢服物衛服五歲壹見其貢材物要服六歲壹見其貢貨物先儒說周禮者皆以彼為六服諸侯各以服數來朝與此傳文無由得合先達通儒未有解者古書亡滅不可備知然則尚書周官是成王號令之辭尚書之言定是正法左

氏復與彼合言必不虛周禮又是明文不得不信蓋  
周公成王之時即自有此二法也又周禮每歲壹見  
唯言貢物何必見者即是親朝各計道路長短或當  
遣使貢耳先儒謂彼為朝未有明據大行人又云十  
有二歲王巡守殷國巡守之歲周禮同於尚書六年  
一朝尚書何以違禮又大宗伯云時見曰會殷見曰  
同鄭玄以為時見無常期也諸侯有不順服者王將  
有征討之事合諸侯而命事焉十二歲王如不巡守  
則六服盡朝謂之殷見鄭以時見無常期者出自鄭  
之意耳非有明文可據也殷見是此再會而盟時見  
當此再朝而會未必即如鄭說時見為無常期也蓋  
此傳及尚書是正禮也大行人歲一見者是遣使貢  
物非親朝也今此上聘朝會雖以為諸侯於天子之  
禮然諸侯相朝亦當然也故云志業於好講禮於等  
示威於衆其昭明於神雖天子於諸侯之禮然王官  
之伯及霸主亦得與諸侯為盟故晉為盟主以此告

齊令齊受盟也必知此朝聘文兼諸侯者以釋例引明王之制八聘四朝云文襄之制因而簡之三歲而聘五歲而朝以諸侯為文明歲聘間朝兼諸侯相朝也知盟年朝會俱行者以傳云再朝而會云云故知盟年朝會不廢也又云歲聘以志業不言再聘以行朝故知朝年不行聘禮但以朝聘君臣不等盟會敵禮相當故朝年不行聘盟年得有齊人懼對曰小國朝會知有盟者傳云同盟至故也

言之大國制之敢不聽從既聞命矣敬共以往遲速

唯君叔向曰諸侯有間矣注間隙也疏

正義曰申上不用尋盟之

意也其意是小國言之不可不可則大國制之也大國謂其須盟言已不敢違也

不可以不示

衆八月辛未治兵注習戰建而不旆注建立旌旗不



曳其旆旆游也音義

旆步反疏

注正義曰釋天云緇廣克幅長尋曰旆繼旆曰

旆郭璞曰帛續旆末為燕尾者然則旆謂旂身旆謂旂尾旆綴於旂本是相連之物非別體也而不曳其旆當纏繼於干頭蓋如禮記所云德車結旌也釋天又云練旂九周禮所謂九游七游游即是旆故云旆游也然郭氏既云旆繼於旂今之燕尾即旆是旆末然天子十有二游并屬於一幅之廣於理不可蓋游數多者旁綴於繆如今之旗是其軍前之旆如郭璞之說

壬申復旆之諸侯畏

之注軍將戰則旆故曳旆以恐之音義

復扶又反恐丘勇反下並

同疏

注正義曰本作旆者為舒而曳之以為容飾結之為非常曳之為得常復旆之者曳之為復常

也軍法戰則舒旆晉人舒旆似其將戰故曳旆以恐之諸侯見其曳旆而皆畏之

邾人莒人

愬于晉曰魯朝夕伐我幾亡矣注自昭公即位邾魯

同好又不朝夕伐莒無故怨愬晉人信之所謂讒慝

弘多音義

愬音素朝夕如疏注正義曰三年傳穆子字注同幾音祈云曹滕二邾實不忘我

好又無相伐之事是昭公即位邾魯同好也不朝夕伐莒者案元年十年再伐莒耳是不朝夕伐也我

之不共魯故之以注不共晉貢以魯故也音義

共音恭注

及下注同

晉侯不見公使叔向來辭曰諸侯將以甲戌盟

寡君知不得事君矣請君無勤注託謙辭以絕魯子

服惠伯對曰君信蠻夷之訴注蠻夷謂邾莒以絕兄

弟之國棄周公之後亦惟君寡君聞命矣叔向曰寡君有甲車四千乘在雖以無道行之必可畏也況其率道其何敵之有牛雖瘠債於豚上其畏不死注債

什也音義

瘠在亦反債方問反什音付一音蒲卜反

疏

注正義曰前覆曰什言牛倒豚上豚

必死也言牛雖瘠者謂魯以晉為無德輕之故以瘦牛自喻

南蒯子仲之憂其庸

可棄乎注棄猶忘也若奉晉之衆用諸侯之師因邾

莒杞鄆之怒注四國近魯數以小事相忿鄆已滅其

民猶存故并以恐魯音義

鄆才陵反近附近之近數音朔

以討魯罪

間其二憂注因南蒯子仲二憂為間隙何求而弗克

魯人懼聽命注不敢與盟音義

與音預下文不與同

甲戌同盟

于平丘齊服也注經所以稱同令諸侯日中造于除

注除地為壇盟會處音義

造七報反壇本或作壇音善處昌慮反

癸酉

退朝注先盟朝晉音義

先悉薦反

子產命外僕速張於除

注張幄幕子大叔止之使待明日及夕子產聞其未

張也使速往乃無所張矣注地已滿也傳言子產每

事敏於大叔及盟子產爭承注承貢賦之次疏

注正義曰

承者奉上之語後承前下承上故以承為次爭貢賦之次言所出貢賦多少之次當承何國之下故言爭承也鄭衆云爭所當承貢賦之輕重曰昔天子班貢輕重以列注列位

也列尊貢重周之制也注公侯地廣故所貢者多疏

注正義曰周禮大司徒云公地方五百里其食者半侯地方四百里伯地方三百里其食者參之一子地方二百里男地方百里其食者四之一鄭康成注云食者必足其國禮俗喪紀祭祀之用乃貢其餘上公之地以一易侯伯之地以再易子男之地以三易是上公優饒其半以為荒萊之地侯伯優饒其三分之二子男優饒其四分之三是大國優饒少而出貢多小國優饒多而出貢少假令大國小國其地美惡一種則地多者貢多地少者貢少故杜云公侯地廣所貢者多是也

卑而貢重者甸服

也注甸服謂天子畿內共職貢者疏

注正義曰禹貢云五百里甸服

孔安國云規方千里之內謂之甸服為天子服治田去王城面五百里王制云千里之內曰甸鄭玄云服治田出穀稅是甸服謂天子畿內也畿內於京師路近令其共王職貢故貢重也言卑而貢重者畿內有公卿大夫之采邑公八命卿六命大夫四命其列位卑於畿外公侯伯子男也周禮小司徒鄭注云井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王食采者卑與尊同故云卑而貢重也畿外之國鄭伯男也而使從公侯之貢則卑者貢輕尊者貢重

注言鄭國在甸服外爵列伯子男不應出公侯之貢

疏

注正義曰鄭伯男也舊自多說鄭衆服虔云鄭伯爵在男服也周禮男服在三距王城千五百里鄭

去京師不容此數賈逵云男當作南謂南面之君也子產爭國小貢重輒言鄭伯為南面之君復何所益南面君者豈貢得輕乎鄭玄云男謂子男也周之舊俗雖為侯伯皆食子男之地鄭之此言不知所出鄭食子男之地不知復在何時武公既遷東鄭并十邑為國不得食子男之地若西鄭之時食子男之地則今為大國自當貢重子產不得遠言上世國小以距今之貢重晉之朝士焉有受屈而自日中以爭至于昏乎原此諸說悉皆不通周語云鄭伯男也王而卑之是不尊貴也王肅注此與彼皆云鄭伯爵而連男言之猶言曰公侯足句辭也杜用王說言鄭國在甸服之外其爵列於伯子男言己爵卑國小不應出公侯之貢也今使從公侯之貢懼弗給也諸侯地有五等命有三等伯居五等之中與侯同受七命據地小

大分爲二等則侯同於公伯同子男僖九年在喪之  
例云公侯曰子言不及伯是不得同於侯也僖二十  
九年大夫會國君之例云在禮卿不會公侯會伯子  
男可也是伯國下同子男也子產自言其君爵卑下  
引子男爲例故云鄭伯男也

懼弗給也敢以爲請諸侯靖兵好以

爲事注靖息也音義

好呼報反

行理之命注行理使人通

聘問者音義

使所吏反

無月不至疏

正義曰言晉國使人來責貢賦之命無月

不至於鄭每月皆來也

貢之無藝注藝法制疏

注正義曰服虔云藝極也一曰

常也二者竝非正訓杜以藝爲經藝故爲法制也貢有法制定數徵求無限則不可共也

小國有

闕所以得罪也諸侯脩盟存小國也貢獻無極亡可



待也存亡之制將在今矣疏

正義曰極謂限極無極謂無已時

自日

中以爭至于昏晉人許之既盟子大叔咎之曰諸侯

若討其可瀆乎注瀆易也音義

咎其九反易以豉反

疏

正義曰言諸侯

若來討鄭其可不由于輕易晉乎

子產曰晉政多門注政不出一家

貳偷之不暇何暇討注貳不壹偷苟且疏

正義曰政出多門則

其情不一情既不一則各懷苟且各自苟且免於目前無人為國遠慮也為此二心為此苟且有不有間暇

何暇來討鄭乎

國不競亦陵何國之為注不競爭則為人所

侵陵不成為國音義

爭爭鬪之爭下爭競同

公不與盟注信邾

莒之訴欲討魯故晉人執季孫意如以幕蒙之注蒙

裏也音義

裏音果

使狄人守之疏

正義曰有北狄之人從晉師來會故使狄

人守之猶如長岸之

戰楚使隨人守舟

司鐸射注魯大夫音義

鐸待洛反射食

亦反又食夜反

懷錦奉壺飲冰以蒲伏焉守者御之乃與之

錦而入注蒲伏竊往飲季孫冰箭簫蓋可以取飲音

義

奉芳勇反蒲本又作匍同步都反又音扶本亦作扶伏本又作匍同蒲北反又音服守手又反又如

字御魚呂反飲於鵠

疏

注正義曰蒲伏即匍匐也說文匍手行也匍伏地也詩陳

反簫音童又音勇

后稷之初生云誕實匍匐今司鐸射竊往飲季孫之所似小兒伏地而手行冰是箭簫之蓋相傳為然本

作此器以蓋箭筈脫而用之可以取飲此以壺盛飲用此冰以飲之晉人以平子歸子

服湫從注湫子服惠伯從至晉音義

湫子小反徐音椒又子鳥反案

子服湫又作子服椒止一人耳從才用反注同

子產歸未至聞子皮卒哭且

曰吾已注已猶決竟無為為善矣唯夫子知我注言

子皮知己之善疏

正義曰子產言我此日行善唯子皮知之今子皮既卒無人知我之

善故云無為更須為善矣

仲尼謂子產於是行也足以為國基矣

詩曰樂只君子邦家之基注詩小雅言樂只君子為

治乃國家之基本音義

治直吏反

子產君子之求樂者也

且曰合諸侯藝貢事禮也注嫌爭競不順故以禮明

之疏

正義曰此詩小雅南山有臺之篇詩云樂只君子以其能為邦家之基也今子產是君子之人

所求樂者也仲尼且復言曰盟主會合諸侯限藝貢賦之事使貢賦有常是為禮也盟主制定貢賦是為得禮則子產爭之不為有失

○鮮虞人聞晉師之悉

起也注五年傳曰遺守四千今甲車四千乘故為悉

起而不警邊且不脩備注言夷狄無謀音義

警音景

晉

荀吳自著雍以上軍侵鮮虞及中人驅衝競注中山

望都縣西北有中人城驅衝車與狄爭逐疏

正義曰上云悉

起得有上軍在者晉侯從平丘會還行至著雍聞鮮虞不警遂使荀吳侵之非從本國而去故云自著雍以上軍侵鮮虞也

大獲而歸注為十五年晉伐鮮虞起○楚

之滅蔡也靈王遷許胡沈道房申於荆焉平王即位既封陳蔡而皆復之禮也注滅蔡在十一年許胡沈小國也道房申皆故諸侯楚滅以為邑荆荆山也傳

言平王得安民之禮汝南有吳防縣即防國疏

注正義曰

此乃遷動而云安者以狐死首丘人生戀舊往彼靈王偪徙元情悉眷故居平王今復從其所欲民心獲安故云得安隱太子之子廬歸于蔡禮也注隱太子民之禮也

大子有也廬蔡平侯悼大子之子吳歸于陳禮也注

悼大子偃師也吳陳惠公○冬十月葬蔡靈公禮也

注國復成禮以葬也此陳蔡事傳皆言禮嫌楚所封

不得比諸侯故明之○公如晉荀吳謂韓宣子曰諸

侯相朝講舊好也執其卿而朝其君有不好焉不如

辭之乃使士景伯辭公于河注景伯士文伯之子彌

牟也音義

舊好呼報反

○吳滅州來令尹子期請伐吳王

弗許曰吾未撫民人未事鬼神未脩守備未定國家

而用民力敗不可悔州來在吳猶在楚也子姑待之

注傳言平王所以能有國音義

守手又反

○季孫猶在晉

子服惠伯私於中行穆子注私與之語曰魯事晉何

以不如夷之小國魯兄弟也土地猶大所命能具若

為夷棄之使事齊楚其何瘳於晉注瘳差也音義

為于

偽反下為夷將為同瘳勅留反差初賣反

親親與大賞共罰否所以為盟

主也子其圖之諺曰臣一主二注言一臣必有二主

道不合得去事他國音義

諺音

吾豈無大國注言非

獨晉可事穆子告韓宣子且曰楚滅陳蔡不能救而  
為夷執親將焉用之乃歸季孫惠伯曰寡君未知其  
罪合諸侯而執其老注老尊卿稱音義  
馬於虔反若

稱尺證反

猶有罪死命可也注死晉命也若曰無罪而惠免之  
諸侯不聞是逃命也何免之為請從君惠於會注欲  
得盟會見遣不欲私去宣子患之謂叔向曰子能歸  
季孫乎對曰不能鮒也能注鮒叔魚乃使叔魚叔魚  
見季孫曰昔鮒也得罪於晉君自歸於魯君注盖襄



二十一年坐叔虎與欒氏黨并得罪音義

坐才臥反

微武

子之賜不至於今注武子季平子祖父雖獲歸骨於

晉猶子則肉之敢不盡情歸子而不歸鮒也聞諸吏

將為子除館於西河注西使近河音義

近附近之近

其若

之何且泣注泣以信其言平子懼先歸惠伯待禮注

待見遣之禮

春秋左傳注疏卷四十六

春秋左氏傳注疏卷四十六考證

叔弓帥師圍費○陸淳曰凡家臣以邑叛悉不書叛人之名何也曰家臣微賤名不合登于史冊也但書大夫圍之則邑叛可知矣克之不書本非他國之邑也臣召南按此說較杜注不以告廟為長經書盜竊寶玉大弓寧告廟乎

同盟于平丘○孫復曰自宋之會諸侯不出大夫專盟會者十年至申之會楚子專盟會者又十年今晉昭

乘楚亂與劉子合諸侯此固不足道也自是迄會名陵諸侯復不出者二十四年

蔡侯廬歸于蔡陳侯吳歸于陳注陳蔡皆受封于楚故稱爵○林堯叟曰書陳侯蔡侯不與楚專封也歸辭有三突歸于鄭簋公子之辭也衛侯鄭歸于衛嘗失國之君之辭也蔡季自陳歸于蔡宜得國公子之辭也此未嘗有國也使之如失國辭然者不與楚專封也臣浩按杜注未協林氏說本二傳得之

傳若入于大都而乞師于諸侯○林堯叟曰大都如陳蔡不羹許葉之屬臣召南按楚世家作入于大縣

傳平王封陳蔡疏成十五年許遷于葉九年傳云遷城父人於陳一段○臣召南按各本皆同但推尋文勢脫許遷城父一節則下所云遷邑復還者無根矣或疑九年之下脫去許遷於夷四字傳云之下脫去實城父三字

傳再會而盟以顯昭明○趙汭補注曰叔向言朝聘之

節大數與周禮不合蓋東遷後典籍散失士大夫亦無所折衷臣照按周禮固成周遺制所存顧其書亦是漢儒編輯舊聞所成王莽劉歆更竄入己意託之周公以便其私其與左傳不符處不得據以疑傳也傳建而不旆注旆游也○臣浩按游也應作旆也字形相似而誤

傳行理之命注行理使人通聘問者○臣名南按古字理李通用行理之命即行李之命也

傳鮮虞人聞晉師之悉起也注一段○臣召南按五年傳曰遺守四千是言以十縣之千乘攻戰也今甲車四千乘則晉人遺守者尚一千乘

傳晉荀吳自著雍以上軍侵鮮虞○臣召南按平丘之會不叙三軍以將佐無所改而知躒之佐下軍又見于前傳也此傳荀吳以上軍則佐上軍之魏舒亦在矣

傳楚之滅蔡也靈王遷許胡沈道房申于荆焉注汝南

有吳防縣即防國○臣召南按防國應作房國且吳防縣在漢志亦作吳房縣注孟康曰本房子國楚靈王遷房子楚是也

春秋左氏傳注疏卷四十六考證



欽定四庫全書薈要卷一千一百六十三

經部

春秋左傳注疏卷四十七

起昭公十四年盡十六年

晉杜氏注

唐陸德明音義

孔穎達疏

經十有四年春意如至自晉注書至者喜得免

三月曹伯滕卒注無傳四同盟疏

注正義曰曹伯負芻以襄十八年冬十月

卒則武公立十九年盟于祝柯二十年于澶淵二十五年于重丘二十七年于宋皆魯曹俱在是四同盟也

夏四月注無傳

秋葬曹武公注無傳

八月莒子去疾卒注未同盟音義

去起呂反

冬莒殺其公子意恢注以禍亂告不必繫於為卿故雖

公子亦書意恢與亂君為黨故書名惡之音義

恢苦回反惡烏

路疏

注正義曰莒是小國其卿多不備禮唯莊僖之世有莒慶見經爾來唯牟夷以竊地故書以外更無

見者今意恢非卿亦書故解其意云云釋例曰福莫大於享國有家禍莫甚於骨肉相殘故公子取國及為亂見殺者亦皆書之不必繫於為卿故公子糾意恢以公子見書於經是解非卿而書之意也諸公子大夫被殺而書名皆是惡之文意恢與亂君為黨故書名惡之

傳十四年春意如至自晉尊晉罪已也注以舍族為

尊晉罪已音義

舍音疏

注正義曰一命大夫經書為人以卿之貴得備名氏若有

罪過宜貶黜者他國之卿則稱某人魯卿不得自稱  
魯人有罪則貶去其族族去則非卿此舍意如之族  
是為罪已也季孫本實伐莒晉人討而執之放令歸  
魯荷晉恩德罪已亦以尊晉故云尊晉罪已也文二  
年晉人宋人陳人鄭人伐秦稱晉先且居宋公子成  
陳轅選鄭公子歸生伐秦卿不書為穆公故尊秦也  
謂之崇德注云秦穆悔過終用孟明故貶四國大夫  
以尊秦也此貶意如以尊晉其事與彼同也此意如  
至自晉傳言尊晉罪已二十四年姑至自晉傳直云  
尊晉不言罪已俱是去族傳文不同者釋例曰意如  
至自晉傳言尊晉罪已姑至自晉傳復重發但言尊  
晉者意如以罪見執宜在罪已姑本使人不應見執  
故尊晉而已內大夫行還皆不書至異於公也今此  
二人執而見釋更以書至見義也若然季孫見執為

魯有罪矣而往年公不與盟注云非國惡故不諱者魯實伐莒取郟若以伐莒責魯魯則無辭而兼受邦人之訴妄稱朝夕伐我為此不與公盟故言非國之惡其執季孫不是無罪也子服惠伯云寡君未知其罪而執其老者尊晉罪已禮也注禮修已而不責人拒晉之怨辭耳

○南蒯之將叛也盟費人司徒老祁慮癸注二人南

蒯家臣音義

祁巨夷反字林音上尺反

疏注正義曰世族譜司徒老祁為一人慮癸為一

人服虔云司徒姓也老祁字也慮癸亦姓字也二子季氏家臣也杜以下句請於南蒯曰臣願受盟知是

南蒯偽廢疾使請於南蒯曰臣願受盟而疾興若以

君靈不死請待間而盟注間差也音義

差音初資反

許之

二子因民之欲叛也請朝衆而盟注欲因合衆以作

亂遂劫南蒯曰羣臣不忘其君注君謂季氏音義

居劫

業疏

注正義曰費是季氏之邑南蒯已是季氏家臣反此南蒯之下羣臣還欲歸邑季氏知君謂季氏

畏子以及今三年聽命矣子若弗圖費人不忍其君

將不能畏子矣注不能復畏子音義

畏子以及今絕句復扶又反

子何所不逞欲請送子注送使出奔請期五日注南

蒯請期冀有變遂奔齊侍飲酒於景公公曰叛夫注

戲之對曰臣欲張公室也注張彊也子韓皙曰注齊

大夫音義

哲音星  
歷反

家臣而欲張公室罪莫大焉注言

越職司徒老祁慮癸來歸費注歸魯齊侯使鮑文子

致之注南蒯雖叛費人不從未專屬齊二子逐蒯而

復其舊故經不書歸費齊使文子致邑欲以假好非

事實也音義

好呼  
報反

疏

注正義曰經書叔弓圍費則歸  
費亦應書經經不書歸故解其

意也南蒯雖以費叛降齊費人不從未專屬齊叔弓  
圍費齊人不救是費未專屬齊也二子逐蒯而費復  
其舊便是本朱去魯故經不書歸費是二子自以費  
歸非齊人來歸也齊人因其自歸而使文子致邑施  
恩於魯欲以假  
好非事實也

夏楚子使然丹簡上國之兵於宗

丘且撫其民注上國在國都之西西方居上流故謂

之上國宗丘楚地分貧振窮注分與也振救也音義

分如字徐甫問反長孤幼養老疾收介特注介特單身民也

收聚不使流散音義長丁丈反收介音界又古賀反注同單音丹救災患

宥孤寡注寬其賦稅音義宥音又稅始銳反赦罪戾詰姦慝

注詰責問也音義戾力計反詰起吉反慝他得反舉淹滯注淹滯有

才德而未敘者禮新敘舊注新羈旅也祿勲合親注

勲功也親九族任良物官注物事也疏正義曰周禮司兵掌五兵

鄭衆云五兵者戈殳戟酋矛夷矛鄭玄云步卒之五兵則無夷矛而有弓矢然則兵者戰器之名戰必令人執兵因即名人為兵也此簡上國之兵謂料簡人丁之彊弱於宗丘之地集而簡之且即慰撫其民也大體貧窮相類細言窮困於貧貧者家少貨財窮謂全無生業分財貨以與貧者授生業以救窮者孤弱幼少無父母有賜與以長成之老疾乏於藥膳有饋餼以養育之孤介特獨者收斂之不使流散有水火之災寇盜之患者救助之孤子寡妻寬其賦稅雖有罪戾原情可恕者赦放之姦邪慝惡為民害者誥治之賢才淹滯未蒙任用者舉用之外人新來者禮待之舊人未用者進敘之施祿於功勲使有功必得祿也和合其親戚使宗族皆相親也任賢良以職事使野無遺賢準事能以任官皆令才職相當不使違方易務此皆撫民之事也注正義曰下云簡東國之兵亦如之知此是簡西國之兵也西國東國皆是楚人



在國之東西者以水皆東流西方居上流皆謂之上國西為上則東為下下言東則此是西互相見也分減富者之財以與貧者則分為施與之名故分為與也窮者全無生業或授之田宅賜之器物以救濟之傳稱一介行李逢澤有介廩焉則介亦特之義也介特謂單身特立無兄弟妻子者無所附著或將轉移收聚之令有附依不使流散服虔以宥為寬赦其罪杜以下云赦罪戾則此宥非寬罪故以為寬其賦稅也王制云少而無父謂之孤老而無子謂之獨老而無妻謂之鰥老而無夫謂之寡此四者天民之窮而無告者也皆有常餼然則孤寡常有餼賜本無賦稅而云寬賦稅者正以不責賦稅即是寬之也孤寡之貧者有餼賜能自給者免賦稅文雖不言鰥獨宥與孤寡必同任良謂選賢而任之也物官謂量事而官之也賈逵云物官量能授官也鄭衆使屈罷簡東國云物官相其才之所宜而官之是也

之兵於召陵注兵在國都之東者音義

罷音皮召上照反

亦

如之注如然丹好於邊疆注結好四鄰音義

好呼報反注同

疆居良反

息民五年而後用師禮也疏

正義曰謂從此簡兵之後息民不征

既滿五年而後用師征伐是為禮也即十九年城州來以挑吳是也案十七年與吳戰于長岸未滿五年而云息民五年者平王之意息民五年長岸之戰吳來伐楚被伐不可不戰雖戰非王本心也○秋

八月莒著丘公卒郊公不感注郊公著丘公子音義

著直居反徐直據反

國人弗順欲立著丘公之弟庚與注庚與

莒共公音義

與音餘本亦作與下同共音恭

蒲餘侯惡公子意恢而

善於庚輿注蒲餘侯莒大夫茲夫也意恢莒羣公子

音義

惡烏路反下同

郊公惡公子鐸而善於意恢注鐸亦羣

公子音義

鐸待洛反

公子鐸因蒲餘侯而與之謀曰爾殺

意恢我出君而納庚輿許之注為下冬殺意恢傳○

楚令尹子旗有德於王不知度注有佐立之德與養

氏比而求無厭注養氏子旗之黨養由基之後音義

比毗

志反厭於鹽反本又作饜下注同

王患之九月甲午楚子殺鬬成

然而滅養氏之族使鬬辛居鄖以無忘舊勲注辛子

旗之子鄭公辛音義

鄭音云

冬十二月蒲餘侯茲夫

殺莒公子意恢郊公奔齊公子鐸逆庚與於齊齊隰

黨公字鉏送之有賂田注莒賂齊以田音義

鉏仕居反

晉邢侯與雍子爭鄆田注邢侯楚申公巫臣之子也

雍子亦故楚人音義

鄆許六反又起六反

疏注正義曰巫臣雍子皆故楚人也襄

二十六年傳稱巫臣奔晉晉人與之邢雍奔晉晉人與之鄆則鄆是雍子之田也邢侯巫臣之子而得與

之爭鄆者孔晁注晉語云邢與鄆比爭疆界

久而無成士景伯如楚注士

景伯晉理官叔魚攝理注攝代景伯疏

正義曰晉語云士景伯如

楚叔魚為贊理孔晁云景伯晉理官叔魚佐之景伯聘楚叔魚專斷韓宣子命斷舊獄

罪在雍子雍子納其女於叔魚叔魚蔽罪邢侯注蔽

斷也音義

命斷丁亂反注同蔽必世反注同徐甫世反王補弟反

疏

注正義曰周禮大司

寇云凡庶民之獄訟以邦成蔽之鄭衆云蔽之斷其獄訟也尚書康誥云服念五六日至于旬時丕蔽要

囚孔安國云服膺思念五六日至于十日至三月乃大斷之皆以蔽為斷是相傳為說

邢侯怒

殺叔魚與雍子於朝宣子問其罪於叔向叔向曰三

人同罪施生戮死可也注施行罪也雍子自知其罪

而賂以買直鮒也鬻獄邢侯專殺其罪一也已惡而

掠美為昏注掠取也昏亂也音義

鬻羊六反賣也掠音亮

貪以

敗官為墨注墨不潔之稱音義

敗必邁反又如字稱尺證反

殺人

不忌為賊注忌畏也夏書曰昏墨賊殺注逸書三者

皆死刑皐陶之刑也請從之乃施邢侯而尸雍子與

叔魚於市仲尼曰叔向古之遺直也注言叔向之直

有古人遺風音義

陶音遙乃施如字服云施罪於邢侯也孔晁注國語云廢也尺氏反

疏

正義曰晉語說此事云叔向既對宣子邢侯聞之而逃遂施邢侯氏孔晁云廢其族也則國語讀為

弛訓之為廢家語說此事亦為弛王肅注云弛宜為施施行也服虔云施罪於邢侯施猶刻也邢侯亡故

刳之杜無注當從施也成十七年晉殺三  
郤皆尸於朝此尸於市者以其賤故也

# 治國制刑

不隱於親注謂國之大問已所荅當也至於他事則

宜有隱音義

當丁浪反

三數叔魚之惡不為末減注末薄

也減輕也以正言之音義

數色主反又色具反下同為于偽反末武葛反

疏

正義曰三度數叔魚之惡不為薄輕言皆重厚極言之也三者即下文數其賄也稱其詐也言其貪也是也服虔讀減為咸下屬為句不為末者不為末繫隱蔽之也咸曰義也言人皆曰叔向是義妄也

曰

義也夫可謂直矣注於義未安直則有之音義

夫舊音扶

一讀芳于反下同

平丘之會數其賄也注謂言賣貨無厭以

寬衛國晉不為暴歸魯季孫稱其詐也注謂言鮒也

能以寬魯國晉不為虐邢侯之獄言其貪也以正刑

書晉不為頗三言而除三惡加三利注三惡暴虐頗

也三惡除則三利加音義

頗普何反疏王正義曰尚書武

云敢行暴虐牧誓云俾暴虐于百姓武成云暴殄天

物害虐烝民然則暴是亂下之稱虐是殺害之名大

同而殺親益榮注榮名益已猶義也夫注三罪唯答

小異宣子問不可以不正其餘則以直傷義故重疑之音

義重直疏注正義曰杜讀此文言猶義也夫言不是

用反義也故言以直傷義謂叔向非是義也劉



炫云直則是義而規杜氏今知不然者義者於事合  
宜所為得理直者唯無阿曲未能圓通故書云直而  
溫若直而無溫則非德非義是義之與直二者不同  
故上傳云義也夫此傳云猶義也夫於義之下並云  
夫夫是疑怪之辭故杜以為非義裁可謂之直矣故  
仲尼云叔向古之遺直不云遺義是直與義別劉以  
直義為一而規杜氏非也

經十有五年春王正月吳子夷末卒注無傳未同盟

二月癸酉有事于武宮籥入叔弓卒去樂卒事注略書

有事為叔弓卒起也武宮魯武公廟成六年復立之音

義籥羊略反去起呂反疏正義曰有事謂有祭事于武  
為于偽反復扶又反公之宮廟也祭必有樂樂有

文舞武舞文執羽籥武執干戚其入廟也必先文而後武當籥始入叔弓暴卒故於是去樂不用而終卒祭事也叔弓之卒當籥入之時故舉籥入也及其去之則諸樂皆去故云去樂鍾鼓管磬悉皆去之非獨去籥舞也祭禮鼎俎既陳籩豆既設然後舞樂始入緣先祖之心以大臣之卒必聞樂不樂又孝子之心不忍徹已設之饌故去樂卒事注正義曰閔二年吉禘于莊公僖八年禘于太廟彼皆書禘此傳言禘于武公則亦是禘不書為禘而言有事者此經所書不論禘祭是非略書有祭事者本為叔弓卒起也止為叔弓之卒湏道當祭之時所書不為禘也釋例曰三年之禘自國之常常事不書故唯書此數事祭雖得常亦記仲遂叔弓之非常也是言叔弓之卒非常故書之也釋例亦云凡三年喪畢然後禘於是遂以三年為節當仍計除喪即吉之月十日而後行事無復常月也是以經書禘及大事傳唯見莊公之速他無非時之譏也即如例言三年一禘若計襄

公之薨則禘當在二年五年八年十一年十四年此年非禘年也若計齊歸之薨則禘當在十三年十六年此年亦非禘年也而云祭雖得常者釋例曰禘于太廟禮之常也各于其宮時之為也雖非三年大祭而書禘用禘禮也昭二十五年傳曰將禘於襄公亦其義也是言于武宮者時之所為實非禘年用禘禮此實非常但經之所書唯譏莊公之速其餘不復譏耳既不以為譏即是得常故云祭雖得常叔弓為非常也武宮者魯武公廟毀已久矣成六年復立之遂即不毀明堂位云魯公之廟文世室也武公之廟武世室也鄭玄云此二廟象周有文武之廟也世室者不毀之名是魯以武公為不毀之廟故禘于其宮不于太廟亦非常也

夏蔡朝吳出奔鄭注朝吳不遠讒人所以見逐而書名

音義

遠于萬反

六月丁巳朔日有食之注無傳

秋晉荀吳帥師伐鮮虞

冬公如晉

傳十五年春將禘于武公戒百官注齋戒音義

禘大計反

齊側

疏

正義曰周禮大宰祀五帝前期十日帥執事皆反而卜日遂戒享先王亦如之鄭玄云前期前

所誡之日也十日容散齋七日致齋三日也執事宗

伯大卜之屬既卜又戒百官以始齋此戒百官亦謂

戒之令齋故杜云齋戒言是齋之戒也祭統云及時

將祭君子乃齋齋之為言齋也齋不齋以致齋也是

故君子之齋也專致其精明之德也故散齋七日以

定之致齋三日以齋之定之之謂齋齋者精明之至

也是將祭必齊梓慎曰禘之日其有咎乎吾見赤黑祭前豫戒之也

之祲非祭祥也喪氛也注祲妖氛也蓋見於宗廟故

以為非祭祥也氛惡氣也音義咎其九反祲子鵠反

蓋見賢疏注正義曰周禮有眡祲之官鄭玄云祲陰陽氣相侵漸成祥者其職掌十輝之法一

曰祲二曰象鄭衆云輝為日光氣也然則祲是陰陽之氣相侵之名日光之氣有名為祲祲之所見非獨

見於日光故直云祲妖氣也梓慎唯言見祲不言祲之所在為祭而言故疑云蓋見於宗廟故以為非祭

祥也月令云氛霧冥冥則氛亦氣也以言喪氛故以氣為惡氣也見赤黑之祲以為喪氛則赤黑是喪象

梓慎有以知之服虔云水其在泣事乎注泣臨也音黑火赤水火相遇云云

義

泣音利

疏

正義曰既見喪氣又言喪之所在其在泣事之人乎意疑泣事者當其咎也

二

月癸酉禘叔弓泣事籥入而卒去樂卒事禮也注大

臣卒故為之去樂音義

去起呂反註及下同為于偽反

○楚費無極

害朝吳之在蔡也注朝吳蔡大夫有功於楚平王故

無極恐其有寵疾害之音義

費扶味反

欲去之乃謂之曰

王唯信子故處子於蔡子亦長矣而在下位辱必求

之吾助子請注請求上位音義

長丁丈反

疏

正義曰言在下位可耻辱

也服虔以辱從下讀訓之為欲欲必求之吾助子請妄也

又謂其上之人注蔡人

在上位者曰王唯信吳故處諸蔡二三子莫之如也

疏

正義曰言二三子無如吳之見信

而在其上不亦難乎弗圖必及

於難夏蔡人逐朝吳朝吳出奔鄭王怒曰余唯信吳

故寘諸蔡且微吳吾不及此女何故去之無極對曰

臣豈不欲吳注非不欲善吳音義

於難乃旦反寘之豉反女音汝

然

而前知其為人之異也注言其多權謀疏

正義曰然此朝吳於

事必豫前知其為人

之有異於餘人也吳在蔡蔡必速飛去吳所以翦

其翼也注以鳥喻也言吳在蔡必能使蔡速強而背

楚音義

背音佩

○六月乙丑王太子壽卒注周景王子

○秋八月戊寅王穆后崩注太子壽之母也傳為晉

荀躒如周葬穆后起○晉荀吳帥師伐鮮虞圍鼓注

鼓白狄之別鉅鹿下曲陽縣有鼓聚音義

聚才喻反

鼓人

或請以城叛穆子弗許左右曰師徒不勤而可以獲

城何故不為穆子曰吾聞諸叔向曰好惡不愆民知

所適事無不濟注愆過也適歸也音義

好呼報反惡烏路反或並

依字讀下及注疏

正義曰所好必善所惡必惡在上皆同愆起虔反者所好所惡不有愆過則下民知



所適歸言皆  
知歸於善也

或以吾城叛吾所甚惡也人以城來吾

獨何好焉賞所甚惡若所好何注無以復加所好音

義

復扶又反

若其弗賞是失信也何以庇民力能則進否

則退量力而行吾不可以欲城而邇姦所喪滋多使  
鼓人殺叛人而繕守備圍鼓三月鼓人或請降使其  
民見曰猶有食色姑修而城軍吏曰獲城而弗取勤  
民而頓兵何以事君穆子曰吾以事君也獲一邑而  
教民怠將焉用邑邑以賈怠不如完舊注完猶保守

音義

虎必吏反又音秘喪息浪反繕市戰反守手又反降戶江反見賢遍反焉於虔反賈音古下同

疏

正義曰若不受其降民皆一心事其本國不敢怠情以叛其主今若受其降人便是許其叛主則是

教我國人令其外叛是雖獲一邑而教民怠情不守死事君是所得少所失多賈怠無卒注

卒終也棄舊不祥鼓人能事其君我亦能事吾君率

義不爽注爽差也疏

正義曰言今不聽降叛使鼓人能事其君也教民不怠是我亦

能事吾君也

好惡不愆城可獲而民知義所注知義所在

也荀吳必其能獲故因以示義疏

注正義曰知義所在在於事君不怠

情不苟求生也十七年荀吳詐祭于雒以滅陸渾二十二年負甲偽糴以入昔陽而此時獨得降而不納

者此時荀吳自度已力有死命而無二心不亦可乎  
必其能獲故因以示義

鼓人告食竭力盡而後取之克鼓而反不戮一人以

鼓子戴鞮歸注戴鞮鼓君名音義

戴本又作薦悅全反鞮丁兮反

○

冬公如晉平丘之會故也注平丘會公不與盟季孫

見執今既得免故往謝之音義

與音預

○十二月晉荀

躒如周葬穆后籍談為介既葬除喪以文伯宴樽以

魯壺注文伯荀躒也魯壺魯所獻壺樽音義

躒力狄反本又

作櫟同介音界樽本或作尊又作罇並同

疏注正義曰周禮司尊彛云秋嘗冬烝其饋獻用兩壺罇鄭

玄云壺者以壺為尊燕禮云司宮尊于東楹之西兩方壺左玄酒是禮法有以壺為樽

王曰伯

氏諸侯皆有以鎮撫王室晉獨無有何也注感魯壺

而言也鎮撫王室謂貢獻之物文伯揖籍談注文伯

無辭揖籍談使對對曰諸侯之封也皆受明器於王

室注謂明德之分器音義

分扶問反  
年內同

以鎮撫其社稷

故能薦彛器於王注薦獻也彛常也謂可常寶之器

若魯壺之屬音義

彛以  
之反

晉居深山戎狄之與鄰而遠

於王室王靈不及拜戎不暇注言王寵靈不見及故

數為戎所加陵音義

遠于萬反又如字數音朔

疏

正義曰數為戎所侵陵拜謝戎

師不有間暇

其何以獻器王曰叔氏而忘諸乎注叔籍談

字叔父唐叔成王之母弟也其反無分乎密須之鼓

與其大路文所以大蒐也注密須姑姓國也在安定

陰密縣文王伐之得其鼓路以蒐音義

蒐所求反姑其吉反又其

乙反闕鞏之甲武所以克商也注闕鞏國所出鎧音義

鞏九勇反鎧開代反

唐叔受之以處參虛匡有戎狄注參虛實

沈之次晉之分野音義

參所金反注同

疏

注正義曰實沈之次晉之分野上繫

參之虛域  
故云參虛

其後襄之二路注周襄王所賜晉文公大

路戎路鉞鉞鉅鬯注鉞斧也鉞金鉞鉅黑黍鬯香酒

音義

鉞音戚鉞音越  
鉅音巨鬯音暢

疏

注正義曰廣雅云鉞鉞斧也  
俱是斧也蓋鉞大而斧小太

公六韜云大柯斧重八斤一名天鉞是鉞大於斧也  
尚書牧誓云武王左杖黃鉞孔安國云以黃金飾斧  
是鉞以金飾也鉅黑黍釋草文也周禮有鬯人之官  
鄭玄云鬯釀鉅為酒芬香條暢於上下也是鬯為香  
酒也賜之鉞鉞者使之專殺戮也賜之鉅鬯者使之  
祭先祖也王制云諸侯賜弓矢然後征賜鈇鉞然後  
殺賜圭瓚然後為鬯詩陳宣王賜召  
穆公云鉅鬯一卣告于文人是也

彤弓虎賁文公

受之以有南陽之田注事在僖二十八年音義

彤徒  
冬反

賁音

撫征東夏非分而何音義

夏戶疏

正義曰服者

雅反疏撫之叛者征

之晉於諸夏國差近西故令主東夏

夫有勲而不廢注加重賞有績而

載注書功於策奉之以土田注有南陽撫之以彛器

注弓鉞之屬旌之以車服注襄之二路明之以文章

注旌旗子孫不忘所謂福也福祚之不登叔父焉在

注言福祚不在叔父當在誰邪音義

福祚之不登叔父絕句焉於虔

反下將焉

疏

正義曰言福祚之不在叔父此福祚更用之同焉所在乎言其不在他也登陟即是在

之義也

且昔而高祖孫伯璽司晉之典籍以為大政故

曰籍氏注孫伯廩晉正卿籍談九世祖音義

廩以斬反疏

注正義曰孫伯廩為晉之正卿世掌典籍有功故曰籍氏是籍談九世祖也其九世之次世本云廩生司空頡頏生南里叔子子生叔正官伯伯生司徒公公生曲沃正少襄襄生司功大伯伯生侯季子子生籍游游生談談生秦是也九世之祖稱高祖者言及辛是高遠之祖也郊子以少皞為高祖意與此同

有之二子董之晉於是乎有董史注辛有周人也其

二子適晉為太史籍廩與之共董督晉典因為董氏

董狐其後疏

注正義曰僖二十二年傳曰平王之東遷也辛有適伊川則辛有平王時人也

此王因籍說董言晉國唯有籍董二族世掌典籍

女司典之後也何故忘之



籍談不能對賓出王曰籍父其無後乎數典而忘其

祖注忘祖業音義

女音汝數色主反

疏

正義曰定十四年晉人敗范中行氏之師

於潞獲籍秦秦即談之子是無後

籍談歸以告叔向叔向曰王其不

終乎吾聞之所樂必卒焉今王樂憂若卒以憂不可

謂終王一歲而有三年之喪二焉注

天子絕期唯服

三年故后雖期通謂之三年喪音義

樂音洛下文注皆同期居其反

下疏

正義曰言王其不得以壽終乎言將天命而橫死也吾聞之心之所樂必卒於此焉今王在憂

而樂是為樂憂也亦既樂憂必以憂卒若性命之卒以憂而死不可謂之終也言以憂死是不終其天年

也注正義曰喪服斬衰三年章內有父為長子傳曰何以三年也正體於上又乃將所傳重也齊衰杖期章內有夫為妻傳曰為妻何以期也妻至親也服問曰君所主夫人妻大子適婦鄭玄云言妻見大夫以下亦為此三人為喪主記言君者主謂諸侯而天子亦與妻為喪主也然則妻服齊衰期耳而傳以後崩太子卒為三年之喪二者喪服杖期章內有父在為母傳曰何以期屈也至尊在不敢申其私親也父必三年然後娶達子之志也父以其子有三年之戚為之三年不娶則夫之於妻有三年之義故可通謂之三年

喪

於是乎以喪賓宴又求彛器樂憂甚矣且非禮

也彛器之來嘉功之由非由喪也三年之喪雖貴遂

服禮也注

天子諸侯除喪當在卒哭今王既葬而除

故譏其不遂王雖弗遂宴樂以早亦非禮也注言今

雖不能遂服猶當靜嘿而便宴樂又失禮也音義

嘿亡

北反本或作默同

疏

正義曰弔喪送葬之賓不合與之宴樂王於是乎以喪賓共宴樂又求常寶之

器在憂而為此樂其為樂憂甚矣且求器又非禮也諸侯有常器之來獻王者乃為嘉功之由諸侯自有善功乃作常器以獻其功獻非由喪也言王不可責喪賓獻器也遂由中也竟也其意言三年之喪雖貴為天子由當申遂其服使終日月乃是禮也除喪大速是非禮也王雖不能遂竟其服猶當靜默而已不宜宴樂而宴樂以早亦非禮也注正義曰禮葬日為虞既虞之後乃為卒哭之祭喪服傳稱成服之後晝夜哭無時既虞之後朝夕各一哭而已卒哭者謂卒此無時之哭故鄭玄士喪禮注云卒哭虞後祭名始

者朝夕之間哀至即哭至此祭止唯朝夕哭而已傳  
稱既葬除喪譏王不遂其服知天子諸侯除喪當在  
卒哭今至既葬而除故譏其不遂也杜云卒止也止  
哭與鄒不同若如此言除喪當在卒哭而上下杜注  
多云既葬除喪者以葬日即虞虞即卒哭卒哭去葬  
相去不遠共在一月葬是大禮事書於經故成君以  
否皆舉葬言之王不能遂服乃與喪賓宴又失禮也  
以其喪服將終早除猶可宴事必不可也襄十六年  
葬晉悼公平公即位會于溴梁與諸侯宴于溫又九  
年八月葬我小君穆姜其年十二月晉侯以公宴于  
河上傳皆無譏則禮王之大經也一動而失二禮無  
卒哭之後得宴樂

大經矣注

失二禮謂既不遂服又設宴樂疏

正義曰  
經者綱

紀之言也傳稱經國家經德義詩序云經夫婦中庸  
云凡為天下國家有九經言禮是王之大經紀也服

虔曰經常也言以考典注考成也典以志經忘經而常所當行也

多言舉典將焉用之注為二十二年王室亂傳疏

正義

曰人之出言所以成典法也典法所以記禮經也王  
一動而失二禮忘已大經矣而多為言語舉先王分  
器之典將焉用之

經十有六年春齊侯伐徐

楚子誘戎蠻子殺之音義

誘音西

疏

正義曰四夷之名在西曰戎春秋之時錯

居中國杜言河南新城縣東南有蠻城則是內地之戎  
在楚北也戎是種號蠻是國名子爵也十一年楚子虔  
誘蔡侯般殺之彼書楚子之名此不書楚子名者彼注  
云蔡大夫深怨故以楚子名告此非蠻人所告蓋楚人

不以其君名告故不得書其名也公羊傳曰楚子何以不名夷狄相誘君子不疾也曷為不疾若不疾乃疾之也言其不足疾更是深責之也賈逵云楚子不名以立其子二說異於杜也蔡侯般書名蠻子不名者釋例曰諸見執者已在罪賤之地書名與否非例所加或名不名從所赴之文

夏公至自晉

秋八月己亥晉侯夷卒注未同盟

九月大雩音義

雩音于

季孫意如如晉

冬十月葬晉昭公注三月而葬速

傳十六年春王正月公在晉晉人止公不書諱之也

注猶以取鄭故也公為晉人所執止故諱不書疏

正義

曰禮君不在國則守國之臣每月告廟云公在某處釋君不得親自朝廟之意若於歲首不在則或史書之於策裏二十九年春王正月公在楚傳曰釋不朝正於廟是也此年正月公在晉計亦應告廟書策但為晉人執止公不以被執告廟故史不書諱之○齊侯伐徐疏

正義曰虛舉經文者經在

楚誘戎蠻上傳依經文故先舉之下有徐人行成之事非虛舉但行成在誘蠻後故先依次舉經於上為下徐人行成起本也不下此○楚子聞蠻氏之亂也

經文就徐人者出自史意

與蠻子之無質也注質信也音義

質之實反或音致

使然丹

誘戎蠻子嘉殺之遂取蠻氏既而復立其子焉禮也

注詐之非也立其子禮也河南新城縣東南有蠻城

音義

復扶又反

疏

正義曰蠻子雖與楚舊交元無誠信故云與蠻子之無信也誘而殺之誠為不

可楚能復立其子大勝遂滅其國嫌其殺父立子猶為非禮故禮之也大舜之刑也鯀殛而禹興周公之誅也放蔡叔而立蔡仲是立子為得禮

二月丙申齊師至于蒲隧注

蒲隧徐地下邳取慮縣東有滿如陂音義

隧音遂邳普悲反取

慮上音秋下力居反如淳取音阪訾之阪慮音邾婁之婁如陂彼皮反

徐人行成徐子

及邾人莒人會齊侯盟于蒲隧賂以甲父之鼎注甲



父古國名高平昌邑縣東南有甲父亭徐人得甲父

鼎以賂齊音義

鄭音談父音甫

叔孫昭子曰諸侯之無伯害

哉注為小國害齊君之無道也興師而伐遠方會之

有成而還莫之亢也注無亢禦音義

亢苦浪反

無伯也夫

詩曰宗周既滅靡所止戾正大夫離居莫知我肄注

詩小雅戾定也肄勞也言周舊為天下宗今乃衰滅

亂無息定執政大夫離居異心無有念民勞者也音

義

也夫音扶肄以制反徐又以自反下同

其是之謂乎注傳言晉之衰

疏

正義曰詩小雅雨無正之篇也周家舊為天下所宗今既衰滅矣其亂無所止定也執政大夫離散

其居處人各異心無有知我民之勞苦者其是此事之謂乎言今晉衰微不能止亂晉之諸卿異心不憂

民之勞苦如○三月晉韓起聘于鄭鄭伯享之子產詩人之所云

戒曰苟有位於朝無有不共恪孔張後至立於客間

注孔張子孔之孫音義

恪苦各反

執政禦之注執政掌位

列者禦止也音義

禦魚呂反注及下同

適客後又禦之適縣間

注縣樂肆音義

縣音玄注同

疏

正義曰諸侯享賓之禮亡唯有公食大夫禮存耳其

禮云大夫納賓賓入門左鄭玄云左西方賓位也又云及廟門公揖入賓入三揖至于階三讓公升二等

賓升大夫立于東夾南西面北上士立于門東北面  
西上鄭玄云自卿大夫至此不先即位從君而入者  
明助君饗食賓自無事也饗食事俱在廟鄭玄饗食  
並言則享位亦當然也孔張後至蓋賓入廟門乃始  
來至當從大夫適東夾之南西面位也張乃立於客  
間賓入未升階立于西方孔張入客行間也執政禦  
之適客後張乃移立於客之西也又禦之適縣間適  
鍾磬樂肆之間也大射禮者亦諸侯之禮也樂人宿  
縣于阼階東笙磬西面其南笙鍾其南鐻皆南陳西  
階之西頌磬東面其南鍾其南鐻皆南陳張初立客  
間已在西方被禦適客後又益西也又被禦  
適縣間蓋又復益西入於頌磬鍾鐻之間也

**客從而**

**笑之事畢富子諫曰注富子鄭大夫諫子產也夫大**

**國之人不可不慎也幾為之笑而不陵我注言數見**

笑則必陵侮我音義

幾居豈反復音機近也數音朔侮亡甫反

疏

正義曰幾度之

為笑而不於我加陵言數被笑必陵侮我也服虔云

幾近也孔張失位近為所笑近者未至之辭客已笑訖何言近也

我皆有禮夫猶鄙我注鄙賤也音義

扶

夫音國

而無禮何以求榮孔張失位吾子之耻也子產怒曰

發命之不衷注衷當也音義

衷丁仲反又音忠當丁浪反或如字

出令

之不信刑之頗類注緣事類以成偏頗音義

頗普多反類如

字一音力對反徐又力猥反

疏

注正義曰事有相類真偽難明緣此事類以致偏頗雖非故心亦為

罪也服虔讀類為類解云頗偏也類不平也

獄之放紛注放縱也紛亂也

音義

紛音芳云反  
縱音子用反

會朝之不敬注

謂國無禮敬之心

疏

正義曰此孔張失位則是於朝不敬而子產不以

謂無禮敬  
大國之心

使命之不聽注下不從上命疏

正義曰謂  
若伯有使

子皙如楚不  
肯行是也

取陵於大國罷民而無功罪及而弗知

僑之耻也孔張君之昆孫子孔之後也注昆兄也子

孔鄭襄公兄孔張之祖父音義

罷音皮

執政之嗣也注

子孔嘗執鄭國之政疏

注正義曰襄十年盜殺鄭公  
子駢公子發公孫輒傳曰子

孔當國至十九  
年鄭殺子孔

為嗣大夫承命以使周於諸侯國人

所尊諸侯所知立於朝而祀於家注卿得自立廟於

家音義

使音所吏反下以使同

疏

正義曰士以上皆得立廟則孔張雖是大夫亦得立廟

而云卿得立廟者以子孔是卿故以卿言之服虔云祀其所自出之君於家以為大祖案禮記郊特牲曰諸侯不敢祖天子大夫不敢祖諸侯而公廟之有祿設於私家非禮也安得祀所出之君為大祖乎有祿

於國注受祿邑有賦於軍注軍出卿賦百乘音義

乘繩

證反

喪祭有職注有所主受脤歸脤注受脤謂君祭以

肉賜大夫歸脤謂大夫祭歸肉於公皆社之戎祭也

音義

脤市軫反

疏

注正義曰周禮掌蜃云祭祀共蜃器之蜃鄭玄云蜃大蛤飾祭器之屬也蜃之

器以蜃飾因名焉鄭衆云蜃可以白器令色白是蜃  
為器名祭肉盛之脰器以獻遺人因名祭肉為脰孔  
張是大夫也而云受脰歸脰知受脰謂君祭以肉賜  
大夫歸脰謂大夫祭以肉歸於公也故周禮祭僕凡  
祭祀致福者展而受之是在下之祭有歸脰之義又  
傳有成子受脰于社前代諸儒皆以脰為祭社之肉  
故云皆社之戎祭也劉炫故違傳證以破先儒以為  
脰亦祭廟之肉以規杜氏文無所出其義非也然大  
夫不得私自出軍自祭私社而得歸脰於公者謂大  
夫奉君命以戎事攝祭於社故杜直言祭歸肉於公  
亦不謂家祭也

**其祭在廟已有著位在位數世世守其業而**  
**忘其所僑焉得耻之注**其祭在廟謂助君祭音義數

主反焉於虔疏正義曰謂鄭伯其祭在先君之廟  
反下焉用同孔張有助祭著位在廟中以有事為

業言其所掌有常也服虔以為其祭在廟謂孔張先祖配廟食案周禮司勲云凡有功者銘書於王之大常祭於大烝司勲詔之則配廟食者皆是有功之臣子孔作亂而死公孫洩因妖鬼而立不得有配食在廟辟邪之人而皆及執政是先王無刑罰也注言為

過謬者自應用刑罰音義

辟匹亦反邪似嗟反

子寧以他規我

注規正也宣子有環其一在鄭商注玉環同工共朴

自共為雙音義

朴普角反

疏注正義曰下云韓子奉命以

釋器云肉倍好謂之璧好倍肉謂之瑗肉好若一謂之環李巡云好孔也肉倍好邊肉大其孔小也好倍肉其孔大邊肉小也肉好若一其孔及邊肉大小適等曰環是環亦璧之類也言其一在鄭商則其一在



韓子知其同工共朴相與為雙故韓子欲得而雙之宣子謁諸鄭伯注謁請也

子產弗與曰非官府之守器也寡君不知子大叔子

羽謂子產曰韓子亦無幾求注言所求少音義

守手又反

幾居豈反晉國亦未可以貳晉國韓子不可偷也注偷薄

也音義

偷他侯反

若屬有讒人交鬪其間鬼神而助之以

興其凶怒悔之何及吾子何愛於一環其以取憎於

大國也盍求而與之子產曰吾非偷晉而有二心將

終事之是以弗與忠信故也僑聞君子非無賄之難

立而無令名之患僑聞為國非不能事大字小之難

無禮以定其位之患

音義

屬音燭盍戶臘反難乃旦反下同又如字

疏

正義

曰僑聞君子非無賄之難家貧無賄不為難立於職位而無善名是為身之大患言韓子當患無令名不宜患家無賄也僑聞為國家者非不能事大字小之難事大國字小國不為難也無禮以定其位是國之大患言鄭當患位不定不宜患事晉之難也下句自大國之人至則失位矣此覆無禮定位也自若韓子至獨非罪乎此覆無令名也此辭一為韓子一為鄭國故再言僑聞服虔斷字小之難以下為義解云字養也言事大國易養小國難然則鄭人豈憂養小國乎尚未能離經辯句復何須註述大典且字為愛不為養也夫大國之人令於小國而皆獲其求將何以給

之一共一否為罪滋大注滋益也音義

共音恭下而共無藝同

大國之求無禮以斥之何饜之有吾且為鄙邑則失

位矣注不復成國音義

饜於鹽反復扶又反下弗敢復并注同

疏

正義曰若

晉之大夫求無不得則鄭國乃為晉之邊鄙之邑不復成國謂失國君之位也

若韓子奉命

以使而求玉焉貪淫甚矣獨非罪乎出一玉以起二

罪吾又失位韓子成貪將焉用之且吾以玉賈罪不

亦銳乎注銳細小也音義

賈音古下無強賈同銳悅歲反疏正義曰

否為鄭國之罪也貪淫為韓子之罪也注正義曰銳是鋒芒不得為折

韓子賈諸賈人

既成賈矣商人曰必告君大夫韓子請諸子產曰日

起請夫環執政弗義弗敢復也注復重求也音義成賈

音嫁本或作價請夫音扶重直用反今買諸商人商人曰必以聞敢以

為請子產對曰昔我先君桓公與商人皆出自周注

鄭本在周畿內桓公東遷并與商人俱疏正義曰賈人即商人

也行曰商坐曰賈對文雖別散則不殊故商賈並言之注正義曰世本云鄭桓公封棫林即漢之京兆鄭

縣是也本在周之西都畿內也鄭語稱史伯為桓公謀使桓公寄帑與賄於虢鄆之國桓公從之其子武

公遂滅虢鄆而國之當桓公東遷帑賄之時并與商人俱來也庸次比耦注庸用也

用次更相從耦耕音義

比毗志反更音庚

以艾殺此地斬之

蓬蒿藜藿而共處之世有盟誓以相信也曰爾無我

叛我無強賈注無強市其物音義

艾魚廢反蓬蒲東反蒿呼高反藜力

兮反藿徒弔反強其丈反下強奪同又其良反注倣此

毋或勾奪爾有利市寶

賄我勿與知恃此質誓故能相保以至于今今吾子

以好來辱而謂敝邑強奪商人是教敝邑背盟誓也

毋乃不可乎吾子得玉而失諸侯必不為也若大國

令而共無藝注藝法也音義

母音無下同勾古害反又姑未反乞也賄呼罪

反或音貨與音預好呼報反下及注並同背音佩

疏

正義曰六年傳稱楚公子棄疾之過鄭也不強

勾則勾是乞也乞則可也唯不得強耳此言毋或勾奪亦謂不得強勾乞奪取也乞之與乞一字也取則入聲與則去聲也此勾亦有取與此傳言勾謂取也詔書稱租調勾民謂與民上云買諸賈人則是和買而子產謂之強奪者韓子以威逼之其賈必賤故鄭商人欲得告君大夫子產知其非和買故云然也鄭

鄙邑也亦弗為也注不欲為鄙邑之事僑若獻玉不

知所成敢私布之注布陳也韓子辭玉曰起不敏敢

求玉以徼二罪敢辭之注傳言子產知禮宣子能改

過音義

徼古堯反

疏

正義曰徼二罪謂晉失諸侯鄭為邊邑

夏四月鄭六

卿餞宣子於郊注餞送行飲酒音義

餞賤淺反字  
林子扇反

疏

注正義曰詩云飲餞于禰毛傳云祖而舍輶飲酒於其側曰餞

宣子曰二三君子請

皆賦起亦以知鄭志注詩言志也子舊賦野有蔓草

注子舊子皮之子嬰齊也野有蔓草詩鄭風取其邂逅

近相遇適我願兮音義

舊才何反字林才可反又士知反說文作𡵓云齒差跌也

在河千多二反蔓音萬

疏正義曰野有蔓草思遇時也君之澤不下流民窮於

邂逅戶賣反逅戶豆反

兵革男女失時思不期而會焉其詩云野有蔓草零

露漙兮有美一人清揚婉婉兮邂逅相遇適我願兮注

云清揚眉目之間婉然美好邂逅不期而會適其時願

宣子曰孺子善哉吾有

望矣注君子相願已所望也音義

羈如住反

子產賦鄭之

羔裘注言鄭別於唐羔裘也取其彼已之子舍命不

渝邦之彥兮以美韓子音義

別彼列反已音記舍音赦又音捨渝羊朱反

疏

注正義曰羔裘刺朝也言古之君子以風其朝焉釋訓云之子者是子也斥韓子也鄭玄云已語辭

也舍猶處也渝變也處命不變謂守死善道見危授命之類也釋訓云美士為彥言一邦之美士以美韓

也

宣子曰起不堪也注不堪國之司直子大叔賦褰

裳注褰裳詩日子惠思我褰裳涉溱子不我思豈無

他人言宣子思已將有褰裳之志如不我思亦豈無



他人音義

褰起虔反疏正義曰褰裳思見正也狂童

其詩云子惠思我褰裳涉溱注云子者斥大國之正卿子若愛而思我我國有突篡國之事而可征而正

之我則揭衣涉溱水往告難也又云子不思我豈無他人注云言他人者先鄉齊晉宋衛後至荆楚宣

子曰起在此敢勤子至於他人乎注言已今崇好在

此不復令子適他人音義

復扶又反令力呈反下同

子大叔拜注

謝宣子之有鄭宣子曰善哉子之言是注是褰裳疏

注正義曰是猶此也子之言此褰裳之詩也不有是告他人之事其能終相善乎

不有是事

其能終乎注韓起不欲令鄭求他人子大叔拜以荅

之所以晉鄭終善子游賦風雨注子游駟帶之子駟

偃也風雨詩取其既見君子云胡不夷疏

正義曰風雨思君子

也亂世則思君子不改其度焉其詩云風雨淒淒然雞鳴喈喈注云風且雨淒淒然雞猶守時而鳴喈喈然喻君子雖居亂世不變改其節度又云既見君子云胡不夷注云胡何也夷說也思而見之云何而心不

說子旗賦有女同車注子旗公孫段之子豐施也有

女同車取其洵美且都愛樂宣子之志音義

樂音洛又五孝

反疏

注正義曰洵信也都閑也言信美好且閑習於威儀是愛樂宣子之志

子柳賦釋

兮注子柳印段之子印癸也釋兮詩取其倡予和女

言宣子倡已將和從之音義

韓他洛反印一刀反倡昌亮反本或作唱同和

戶卧反下注

疏

正義曰韓兮刺忽也君弱臣彊不唱而和也其詩云韓兮韓兮風其吹女

同女音汝

注云韓槁也槁謂木葉也木葉槁待風乃落喻君有政教臣乃行之言此者刺今不然又云叔兮伯兮唱

予和女注云叔伯言羣臣長幼也羣臣無其君而行自以強弱相服女倡矣我則將和之言此者刺其自

也宣子喜曰鄭其庶乎注庶幾於興盛二三君子以

君命貺起賦不出鄭志注六詩皆鄭風故曰不出鄭

志音義

貺音况

皆昵燕好也注昵親也賦不出其國以

示親好音義

昵女乙反

二三君子數世之主也可以無懼

矣宣子皆獻馬焉而賦我將注我將詩頌取其日靖

四方我其夙夜畏天之威言志在靖亂畏懼天威音

義數色疏

正義曰我將祀文王於明堂也云儀式刑主反文王之典日靖四方我其夙夜畏天之威

于時保之注云蚤夜敬天於是得安文王之道

子產拜使五卿皆拜曰吾子

靖亂敢不拜德宣子私覲於子產以玉與馬日子命

起舍夫玉是賜我玉而免吾死也敢不藉手以拜注

以玉馬藉手拜謝子產音義

覲其靳反舍音捨夫音扶藉在夜反注同

○

公至自晉注晉人聽公得歸子服昭伯語季平子注

昭伯惠伯之子子服回也隨公從晉還音義語魚據反曰

晉之公室其將遂卑矣君幼弱六卿彊而奢傲將因

是以習習實為常能無卑乎平子曰爾幼惡識國注

昭伯尚幼平子不信其言音義傲五報反惡烏路反少詩照反疏正

曰言將因是君幼弱以習奢傲之事既習奢傲實以為常常行輕君之禮能無卑乎○秋八月

晉昭公卒注為下平子如晉葬起○九月大雩旱也

鄭大旱使屠擊祝款豎柎有事於桑山注三子鄭大

夫有事祭也音義屠音徒柎音附又方于反斬其木不雨子產曰

有事於山執山林也注執養護令繁殖音義

執音藝  
令方呈

反

而斬其木其罪大矣奪之官邑○冬十月季平子

如晉葬昭公平子曰子服回之言猶信注自往見之

乃信回言子服氏有子哉注有賢子也

春秋左傳注疏卷四十七

春秋左氏傳注疏卷四十七考證

傳曰義也夫可謂直矣○趙汭補注曰傳本以直為義  
杜說失傳意又傳曰猶義也夫杜云故重疑之按數  
其賄稱其詐皆為國事言之杜以為傷義非也傳文  
語助也夫二字甚多未必皆是疑辭其治國制刑以  
下未必皆夫子語臣照按傳文作也夫字者俱是流  
連詠歎之辭不應此處獨為疑辭趙汭說是也

傳叔弓泣事○臣召南

按公羊穀梁皆以為方祭而聞

叔弓之卒遂去樂卒事是叔弓卒于家也左傳所載梓慎之言又明言蒞事籥入而卒則卒于祭所矣君之去樂卒事不亦宜乎凡叙事以左氏為實

傳唐叔受之以處參虛○

臣召南

按傳凡言虛必係古

人言之如顓頊之虛少昊之虛是也惟此文以天星之分野而亦言虛又十七年傳宋大辰之虛也與此正同

傳福祚之不登叔父焉在注言福祚不在叔父當在誰



邪○顧炎武曰知錄曰言忘其彛器是福祚之不登  
惡在其為叔父乎杜注非也臣浩按杜注自確若如

顧炎武之解雖似直截而殊少韞藉

傳故曰籍氏疏伯生司徒公公生曲沃正少襄○臣召

南按晉僖侯名司徒後遂諱之然則籍氏之司徒公  
必在僖侯之前

傳無伯也夫○陳傅良曰晉自平丘之會不能合諸侯  
諸侯始有自為盟會者不書義見二十六年又曰傳

言昭公以來伯者不作而齊人橫納北燕伯伐徐莒  
今為此會至鄆陵而專盟矣

傳子舊賦野有蔓草注子皮之子嬰齊也○臣召南按

子皮卒後其子復為上卿在子產之上前傳所謂展  
氏為上卿者也子產位在次卿而執國政故下文曰  
使五卿皆拜

傳宣子曰起不堪也注不堪國之司直○臣浩按羔裘

三章皆以美宣子宣子遜謝謂三章所云皆非所堪

也

傳平子曰爾幼惡識國○

臣召南

按晉六卿彊而公室

弱誠如子服昭伯所言但意如與晉六卿同惡相濟  
其跋扈傲上正喜公室之卑可以縱肆耳謂昭伯幼  
惡識國蓋出君之心已萌于此日哉

春秋左氏傳注疏卷四十七考證

謹案卷四十六第七頁後二行疏二子更無兵衆  
刊本監本毛本兵訛賓據宋本改

第十一頁前四行疏師及訾梁而潰刊本訾訛誓  
今改

後二行音義司馬督刊本督訛衆今改

第二十三頁前三行疏尚書何以違禮諸本以訛  
必據宋本改

前八行疏亦得與諸侯為盟諸本與訛於據宋本

改

後三四行疏盟會敵禮相當諸本相訛用據宋本  
改

第二十四頁後八行注蠻夷謂邾莒諸本謂訛訴  
據宋本改


第二十六頁前二行疏爭所當承貢賦之輕重諸  
本並訛作爭所為承次貢賦之輕據宋本改

後三行疏令其共王職貢諸本王訛正據宋本改

第二十九頁前八行注為治乃國家之基本諸本  
訛本字於音義下治直吏反之上據宋本移正  
卷四十七第十八頁前二行注言今雖不能遂服  
猶當靜嘿而便宴樂諸本能遂訛遂能而訛可  
據宋本改

[illegible]





覆校官檢討臣李學錦

校對官檢討臣郭寅

謄錄監生臣劉震

謄錄監生臣何思鈞